


www.BibleForChildren.org

मत्ती 26




फसह ने तिवाराह
रेन सोव दिह्या पेल
यीशु बेतनिया माय आवो,
जा लाजर रेतालो, एने ताह
यीशु मुरेल माय रेन जीवतो
किरेल ईतो। तेवी मरीयम जटामासीन
आदो लीटर मोंगालो एने चोखो मोग
मोग गेंदाण्यो तेल लेन आवी, एने
यीशुन पाया पोर रोचीव देनी,
एने तीन लेट्या केरीन यीशुन
पायाह नुसी; एने तेलान गेंद ने वोजेसे आखो
गेर जुलूम हाजो गेंदाणे बाज गीयो।



यहुदा इस्कोरिती बारा चेलाम रेन एक ईतो, मुखी चाकऱ्या फाय
गीयो काय, तान केरता काय तो यीशुह तान आथाम होप सेकी। ता
ज्यो होमलीन खुस एय गीया, एने पोयशा
आपणेन वायदो केऱ्या, एने यहुदा
गालो होदतालो काय
यीशुह देराव देव।



तेवी चेला यीशुन वातु मानेन फसहान तियारी
केऱ्या। जुलबुखे ता खाताला ते यीशु रूटो
लिदो, एने दन्यवाद किऱ्यो एने रूटो मुड्यो,
एने चेलाह वाटणेन केयो, "लिवो, खावो;
ज्यो मारो सेरीर हे।" पुशो यीशु वाटको विसीन,
दन्यवाद किऱ्यो, एने चेलाह आपीन केयो,
"तुमू आखा ज्याम रेन पिवो, काहाकाय ज्यी
वायदान लुय हे, जी आखान पापान माफीन
केरता वोयाडाय जाथे।"



उंजु यीशु केयो, "शिमोन, एय शिमोन! होमेल, बुतडो तुमूह पारेखणेन केरता परवांगी मांग लियेल हे, काय तुमू आखाह खाराबाम रेन हाजालाह आंगे केरी जिहकेरीन किरसाण गोवान दाणाह बुहटाम रेन आंगे किरेह। पुण मी तार केरता विन्ता किऱ्यो काय तारो बुरहो कोमजोर नाय एय; एने जेवी तु मार फाय पुशो आवहे, ते तारा बायाख ईमोत आपजे।" पतरस यीशुह केयो, "एय मालीक तार हिऱ्यो मी जेली माय जाणेन एने मोरनेन केरता बी तियार हे।"


यीशु केयो, "एय पतरस, मी तुवाह केथु काय आज कुकडो वाहणेन पेल तु तीन वार माहु नाह ओलखेत ओहलो केयीन नाकारो किरहे।"



Matēvī Yēshu tān chēla hīnyō
gatasamnī nāvān bōgīchā māy
āvō, ēnē tān chēlah kēṇē
bāj gīyō, "nyāch bōh
rijyō, tāhuk mī tā jāīn
vīntā kērchū." ēnē kēṇē bāj
gīyō, "ēy abbā, ēy ābā,
tūvāh ākhō kāy ēy sīkēh; jyī
pīḍā māhū pōr rēn sītō kēr dē:
tībī mī hōdthū tōhlo nāh, puṇ
jō tū hūdēh tōch ēyā."




तेवी यहुदा रोमी सिपायान एक टुलो लेन, एने थोडाक मुखी चाकन्यान
एने फरिसीन द्वारा मोकलायेल थोडाक मोंदिर ने राखवाल्या हिऱ्यो
दिवा बुलो एने आथ्यार लेन ताहरी आवो। एने ता माय रेन
पतरस तालवार केरीन मुखी चाकन्यान पावोरान जीवड्यो
कान काट दिनो। पुण यीशु तो देखीन केयो,
"थुबो, इही मा किरु।" एने यीशु तान
कानाह सापलीन ताह हाजो किऱ्यो।



ओवता ता यीशुह मुखी चाकन्यान गेर लावा। ते पतरस बी तान
पासाण पासाण आवो। एने जेवी ता आकठो पेटाडीन खोली माय
टोलवाएन बोह रियेल एता, ते पतरस बी ता हिऱ्यो बोह गीयो।




जान कान पतरस काट टाकेल
ईतो, तान एक गेरल्यो मुखी
चाकन्यान पावोर माय रेन
ईतो। तो पतरसाह केयो,
"काय मी तुवाह यीशु हिऱ्यो
बोगीचा माय नाह दिखेल
ईतो?" पतरस पोशो नाकार
किऱ्यो, एने चालोच कुकडो
वाह दिनो। एने पतरस बाहेर
निकलीन उहकी उहकीन रेडने
बाज गीयो।




तेवी आखा पोंचान माणहे उठना एने यीशुह
पिलातुस फाय ली गीया। पिलातुस यीशुह
फुशो, "तु यहुदिन राजा हे काय?" यीशु
जापाप आप्यो, "तुसते किथे मी तोस हे।"
पिलातुस यीशुह सोडने
होदतालो, केरीन माणहाह
उंजु सोमजाड्यो, पुण माणहे
पोशा आयडीन केया, "ओयाह
खुरूसखाम पोर चेडाव,
खुरूसखाम पोर!"




तेवी पिलातुस यीशुह खुरूसखाम पोर चेडावणेन
केरता तान आथाम होप दिनो। एने ता यीशुह
तान ताबाम लेदा।तेवी ता यीशुह ली गीया, एने
तो तान खुरूसखाम उखलीन "खोपड़ी केवातालो
ती जागे आवो," इब्रानी बाषाम ता जागाह
"गुलगुता" केताला।



ताहरी ता यीशुह खुरूसखाम पोर चेड़ाया; एने ता
हेऱ्या दिहरा दुय माणहाह बी खुरूसखाम पोर
चेड़ाया, एकाह तान जीवडे उगे एने एकाह डाखरे
उगे, एने यीशुह विची माय।



तेवी दिह्यान उजालो बोंद एय गीयो एने मोंदिरान पुड़दो फाटीन दुय
टुकड़ा एय गीया। एने यीशु जोरेस आयड़ीन केयो, “एय आबा, मी
मारो जीव तारा आथाम होपथु।” इहकेरीन केयीन तो मोर गीयो।




अरीमतीया गावाम रेणार युसूफ आवो, तो
यहुदिन मोटला पोंचान एक आदिकारी
ईतो। तो बोगवानान राज ने वाट
जोवतालो। युसूफ ईमोत केरीन
पिलातुस फाय जाईन
यीशुन देड़ मांग्यो।

तेवी युसूफ एक डाठी
वेचाती लिदो, एने यीशुन
देड़ाह खुरूसखाम पोर रेन
उतारीन ती डाठी माय
गुंडालीन एक माहणा माय जो
देगड़ाह कोरीन बाणायेल ईतो,
ता मेल्यो एने बायणा पोर एक
मोटलो हिलो टेकाड़ दिनो।



दिहरे दिह जो तियारीन दिह्यान पासाणल्यो
दिह इतो, मुखी चाकऱ्या एने फरिसी पिलातुस
फाय एकठा एयीन केया, "एय
मालीक, आमुह एर हे काय तो
बोटकावणार जीवतालो इतो,
तेवी कियेल, 'मी तीन
दिह्यान पुशो जीव उठुहा।'
तेवी ता राखवाल्याह
आरही लेन गीया, एने
देगडा पोर
साप

लागाडीन
माहणान
राखवाली केऱ्या।"



विहेवणेन दिह्यान पासाण एप्तान पेल्ले दिह,
उजालो एतास, मरीयम मगदलीनी एने दिहरी
मरीयम माहणाह देखणे आवी। एने
उचकाहुच मुठलो बुकम्प ईनो,
काहाकाय मालीकान एक दुत
हेरगा माय रेन उतऱ्यो, एने
माहणान आहने आवीन ता
देगडाह सिटो केर दिनो,
एने ता पोर बोह गीयो।

ताह बिन राखवाल्या
काप उठना, एने बेसुद
एय गीया।




हेरोगदुत बायकुह केयो, "बिहो मा, माहु मालुम हे
तुमू खुरूसखाम पोर चेडायेल ता यीशुह
होदत्युह। तो न्या नाह सुतो," पुण तो
वचन कियेल तिहे, "जीव उठेल हे,"
आवो ज्यो जागो दिखो, जा
मालीकान देड एतो, पुण तुमू
जावो, तान चेलाह किवो
काय तो मुरेल माय रेन
जीव उठेल हे, एने तुमूह
रेन पेल

गेलील माय जाथे, एने
ताह ता दिखहो, मी तुमूह
केय दिनो।



त्यु बिय माय एने मोटली खुसी माय माहणान जागे
रेन तुलेचबूखे वोलीन तान चेलाह खुबेर देणेन
केरता दोवडीन जात रेन्यु।तेवी यीशु त्युह
मिलानो, एने केयो, "तुमूह हुक जुडी,"
त्यु आहने आव्यु एने यीशुन पाया पोड्यु।



पासाण यीशु ता ईग्यार चेलाह बी, जेवी ता रूटो खाणेन बोह रियेल
एता, ताह देखानो, एने तान अविश्वास एने मोनान कठोरता देखीन
दोपकाड्यो, काहाकाय जा माणहे यीशुह जीव उठणेन पेल दिखेल
एता, ता पोर बुरहो नाह केऱ्या। मालीक यीशु ता हिऱ्यो वातु केरनेन
पासाण हेरगा माय विसाय गीयो, एने बोगवानान
जीवडे उगे बोह गीयो।



काहाकाय बोगवान दुनियाह ओहलो मोंग
किऱ्यो काय तो तान एकुस मोंगाल्ला बेटाख
आप दिनो, काहाकाय जो कुण ता पोर बुरहो
केरी तो खेतेम नाय एय, पुण जेलेमक्यो
जीवाय सापडावी।



रोमीयो 3:23 ज्यानकेरता काय आखा माणहे पाप किरेल हेते एने
बोगवानान बोडायीह रेन सेटा हेते,

रोमीयो 6:23 काहाकाय पापान मोंजरी ते मोत हे, पुण बोगवानान गीणीन
वरदान आपणो मालीक मसी यीशु माय जेलेमक्यी जीवाय हे।

इब्रानियो 9:27 एने जिहकेरीन माणहान केरता एक वार मोरनु एने तान
पासाण नियाव ठेरायेल हे,

इफिसीयो 2:8,9 काहाकाय बोरहान द्वारे गीण केरीस ने तुमूह सुटकारो
जुडेल हे, एने ज्यो तुमरी उगे रेन नाह, पुण बोगवानान दान हे;
एने नाह कामान कारेण, ओहलो नाय एय काय कुण बी मोठाय केरी।

रोमीयो 10:9,10 काय केदी तु तारा मुया केरीन यीशुह मालीक जाणीन
कबुल किरहे, एने तारा मोना केरीन बुरहो केरी काय बोगवान ताह मुरेल
माय रेन जीवाड्यो, ताहार तारो सुटकारो एय। काहाकाय देरमीपोणान
केरता मोन से बुरहो केराय जाथे, एने सुटकारान केरता मुया केरीन कबुल
केराय जाथे।



योहान 3:16,17 काहाकाय बोगवान दुनियाह ओहलो मोंग किऱ्यो काय तो तान एकुस मोंगाल्ला बेटाख आप दिनो, काहाकाय जो कुण ता पोर बुरहो केरी तो खेतेम नाय एय, पुण जेलेमक्यो जीवाय सापडावी। बोगवान तान बेटाख दुनिया माय ज्यानकेरता नाह मुकल्यो काय दुनियान नियाव केरी, पुण ज्यानकेरता काय दुनियाह तान उगे रेन सुटकारो जुडी।

1 योहान 5:11-13 एने ती गोवाय ज्यीच हे काय बोगवान आपुह जेलेमक्यी जीवाय आपेल हे, एने ज्यी जीवाय तान सोरा माय हे। जा फाय बिटोख हे, ता फाय जीवाय हे; एने जा फाय बोगवानान बिटोख नाह सुतो, ता फाय जीवाय बी नाह सोती। जेलेमक्यो जीवाय तुमरो हे एवी ज्यो तुमूह मालुम एय जायेल हे, केरीन बोगवानान बेटाख ने नावा पोर बुरहो मेलनारे तुमूह मी ज्यो लेखथु।



मत्ती 26-28; लुका 22-24; योहान 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Nahali Bible (nlx) © The Word for the World International
and Nahali Vishwaseen Mandli, Toranmal, Dhadgaon,
Nandurbar, Maharashtra 2025

<https://www.bible.com/en-GB/bible/2790/MAT.1.NII2025>

©2026 Bible for Children, Inc.

www.M1914.org

www.bibleforchildren.org

